

INUIT ATAQATIGIIT

Inatsisartuni



Dato: 13.okt.2020

Inatsisartut suleriaasianni §37 imm.1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Peqqinnissaqarfimmit ajornartorsiutit qanoq aaqqiiviginiarneqarpat?
2. Naalackersuisut ajornartorsiutit ataanni taakkartukkama qaangerniarlugit qanoq pilersaaruteqarpat?
3. Qanoq piaartigisumik ataanni ajornartorsiutit taakkartukkat iluarsivigineqarsinnaasorineqarpat? Tassami ataatsimiititaliarsuit utaqqineqarsinnaanngillat ajornartorsiutit maanna atuutut iluarsineqapallannissaannut.
4. Peqqinnissaqarfimmi napparsimasut nappaataat suususersineqapallattarnissaannut iliuusissamik peqartoqarpa?
5. Nakorsassaaleqineq piffinni ilaanni nakorsaqaqannginnera, ilaannilu Nakorsamik ataatsimik sulisitsisoqartarnera nakorsamut ulloq unnuarlu piareersimasariaqartarneranut illoqarfinni najugaqarfiusuni qanoq naatsorsorneqartarpa?
 - a. Innuttaasut amerlassusaat aalajangersimasut nakorsat qanoq amerlatigisut pisariaqartinneqartarnerat qanoq aalajangersaavigineqarnikuua?

(Inatsisartunut ilaartaq Mariane Paviasen, Inuit Ataqatigiit)

Tunngavilersuut:

Peqqinnissaqarfimmi ajornartorsiutaasut annertuut qanoq iliuuseqarfiginiarneqarnersut ersarissumik suli tusagaqaqanngilagut, tusartuarparput innuttaasut nakorsiartaaraluarlutik naapaataat ajoraluartumik ilaannut kingusinaareerluni paasineqartartut, taakkununnga ilaqutaasunullu inuunermik sinneranik ikiligaaffigisaannik kinguneqartarluni tassalu qanigisamik annaasaqarnermik kinguneqartarluni, , allallu aamma nakorsaatinik arlariinnik “misilittaateqqaarlugit” nappaataat suususersineqarsinnaasartoq tusartualersimavarput, allaallu nappaataat suususersineqareeraluarlutik nakorsaatissaqartinneqaratik utaqqisinneqartartut.

Ersarissaataasinnaasutut assersuutigisinnaavara amerluummik eqqugaasimasut ilaanni aatsaat ukiup affaa sinnerlugu nakorsiaqattaqqaarlutik nakorsaatinik assigiinngitsunik misilittaqaarlutik (tarngutinik,iisartakkanillu) kingusiinnakkut amerlmik peersiffigineqarlutik amilerisumut nassiullugu

suususersineqarpoq, taanna periuseq nammineq akisoorujussuuvoq tassami aallaqqaamulli ameramik peersiffigereerneqarsimaguni asuli nakorsaatinik atuisinneqaaqaarani nakorsallu piffissaanik sivirusumik atueqqaarani iluarsineqarsimasinnaagaluartoq.

Inuttaasut pisinnaatitaaffigaat eqqortumik piaartumik nappaateqalersimagunik paasineqapallannissaat taamaaliornikkut piaartumik naapaatiminnik qaangiinissaat periarfissagissaarnerummat.

Tusagassiutini tusarparput kujataanni fnat-imik ajornartorsiuteqartoqartoq piffissamilu sivirusummi tamanna ingerlasimasoq siornakkunni kumaat aamma ingerlaarput aammalu nakorsaatisamik pissaarusimasut, ilaatigullu allaat kumaajaatit nammineq pisiarinqartussanngorsimanagerat pissakinnernut annertuumik eqquinerlunnerata kingunerisaanik kumaat annermik meeqqat akornanni nungutinniarnat ajornakusoorsimavoq.